



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De circumactione. cap. lxxviii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

**A** tionis nostræ gratia ipsos quoque angelos perstringere ausus, dixit, his verbis utens, Licet nos, aut angelus de cœlo euangelizet vobis præterquam quod euangelizauimus vobis, anathema sit. Quibus ex verbis discimus, quod quamlibet charus, ac singulari quadam nominis fama conspicuus sit is qui prohibet, execrationi tamen esse debet vnicuique eorum qui Dei amore præditi sunt.

De circumactione.

CAP. LXXVIII.

**B** VM liber essem ex omnibus, omnium me seruum feci, vt omnes lucrifacerem. Et factus sum Iudæis tanquam Iudæus, vt Iudæos lucrifacerem: iis qui sub lege sunt, quasi sub lege essem (cùm ipse non essem sub lege) vt eos, qui sub lege erant, lucrifacerem: ijs qui sine lege erant, tanquam sine lege essem (cùm sine Dei lege non essem, sed in lege essem Christi) vt lucrifacerem eos qui sine lege erant. Omnibus omnia factus sum, vt omnes facerem saluos.

Qui per domum suam non se circumfert, possidebit ventos.

Pro. 11.

De sancta cruce.

CAP. LXXIX.

**C** EDISTI metuentibus te significatione, vt fugiant à facie arcus. Manifesti erunt qui obfignant Legem, ne dicant. Dixit Dominus ad virum qui indutus erat lineis: Signa Thau super frontes virorum gementium & dolentium super cunctis abominationibus, quæ fiunt in medio Hierusalem. Et transite per mediam ciuitatem, & percutite: non parcat oculus vester, neque misereamini, Senem, adolescentulum & virginem, paruulos & mulieres interficite vsque ad internecionem: omnem autem, super quem videritis Thau, non interficite.

Si quid passus est Christus, non sua, nec Patris causa passus est: sed vt humano generi salutem compararet. Ac si tibi cordi est, vir charissime, vim crucis perseptam habere:

**D** audi. Crux Christianorum spes est, crux cæcorum dux, crux errantium via, crux claudorum baculus, crux pauperum consolatio, crux diuitum frænum, crux superbiorum atque insolentium deiectio, crux trophæum aduersus demones, crux aduersus diabolum victoria, crux egentium copia, crux desperatorum spes, crux mortuorum resurrectio, crux nauigantium gubernatrix, crux tempestate iactatorum portus, crux oppugnantium murus, crux orphanorum mater, crux viduarum patrona, crux iniquorum iudex, crux oppressorum recreatio, crux paruulorum custos, crux in tenebris sedentium lumen, crux seruorum libertas, crux monachorum studium & exercitatio, crux virginum pudicitia, crux sacerdotum gaudium, crux Ecclesie fundamentum, crux esurientium panis, crux sitientium fons, crux nudorum integumentum.

**E** Quoniam Satanas primum hominem per lignum interemit, idcirco Dominus humanitate indutus per crucis lignum effecit, vt diabolus humanis pedibus tereretur. Quicumque enim crucis signum habent, ipsius vim proculcant.

Cùm ad bellum proficisceris, atque hostem tuum gladios aduersum te acuentem cernis, tu nihil eiusmodi tecum effer: sed crucis signum in pectore tuo atque in fronte tua habe, atque aduersus eum progredere, his verbis utens, Hi in curribus, & hi in equis: nos autem in nomine Dei nostri inuocabimus. Ac videbis illa omnia palearum instar dilapsura, te verò excitatum & erectum iri. Prædixit enim Dauid de crucis signo, Dediisti metuentibus te significationem, vt fugiant à facie arcus. Quodnam porro aliud signum nobis donauit, quam crucis mysterium? Hoc signo muri disturbantur, hostes tanquam fœnum prosteruntur, demones in fugam aguntur. Denique omnia crucis signo, ob eius qui cruci affixus est potentiam, subijciuntur.